

Liedjesreglement



Motto 2021-2022 “**Dao genete weej van**”

1. Belangriëke data:

- 1 Sloëtingsdatum inschriëving: **1 augustus 2021**;
- 2 Inlevere gevraagde bestande via ‘Wetransfer’ (www.wetransfer.com), of e-mail uterlik **1 augustus 2021**;
- 3 Rippetitie veurselektie: dónderdaag **9 september 2021**;
- 4 Veurselektie: maondaag **13 september 2021**;
- 5 Liedjesavond: zaoterdaag **2 oktober 2021**.

Óg tekste en meziek kint geej insteure

- via e-mail nao: liedjes@wortelepin.nl
- ‘Wetransfer’ (www.wetransfer.com)

2. Inzende van de liedjes, algemeen:

1. Insteure met inachneming van de sloëtingsdatum. Alle benuuëdhede: -teks, en -opname van ’t liedje, kinne via e-mail (liedjes@wortelepin.nl) of via ‘Wetransfer’ (www.wetransfer.com) ingesteurd waere;
2. D’n oproop veur de liedjes, danwal de sloëtingstermien zal in ’n plaatselik daag- of waekblaad en via de mediakanale van VG de Wortelepin bekint waere gemak;
3. De sloëtingsdatum is d’n aangegaeve daag um 24.00 oor;
4. Alle inzenders kriege berich van óntvangs van eur inzending(e). De informatie euver de veurselektie en oefensessies volgt tiedig;
5. Ein liedje mót origineel zien van teks en meziek én meug neet ierder aan ein of andere equivalente kompetitie hebbe meigedaon;
6. Tekste dene te waere ingedeend in algemeen beschaaf Bliëricks. As tekste of deile heejvan neet korrek zien naor meining van VG de Wortelepin, dan zulle de inzenders heejvan op de huuëgte waere gebrach en in de gelaegenheid waere gesteld um de teks zoë meugelik aan te passe.

3. De inzending deent te bestaon oët:

- 1 'Teks in 'n **'Word bestand'**, behurend beej de pianopartiej (**PDF**), melodiëliën t.b.v. arrangement hofkapel;
- 2 'n Opname bestaonde oët **WAV** of **MP3** bestand, in eige behier opgenaome (*), waarop 't liedje steit in de volgende versies:
 - **Volledige versie (Instrumentaal)**
 - **De verkorte versie (Instrumentaal)**
- 3 Midifile van de orkesband. (optioneel);
- 4 Wannier d'r gen midifile of partituur meigeleverd is, wuurt 'n zoë good meugelik klinkend arrangement gemak, raekening haldend met de orkesband.

(*) *Moch geej probleme hebbe met 't in eige behier make van de opname of met 't arrangement, dan wille weej óch gaer de helpende hand beje. Dit kint geej kinbaar make via 't e-mailadres liedjes@wortelep.in.nl.*

Veur de verkorte versie gelde de volgende twië meugelikhede:

1. 't Liedje begint nao de intro met 't refrein.
De verkorte versie wuurt dan: refrein – koeplet – refrein – eventueel brök / modulatie – refrein;
2. 't Liedje begint nao de intro met 't koeplet.
De verkorte versie wuurt dan: koeplet – refrein – eventueel brök / modulatie – refrein

Op *meziekbestand* en *tekspepeer* meuge GEN name vermeld staon. Óg inschrijving per e-mail wuurt as *aanmeldingsformulier* beschouwd. In de e-mail deent dudelik te waere aangegaeve boëte de titel:

- a. Naam, til.nr., adres en e-mail van de komponis;
- b. Naam, til.nr., adres en e-mail van tekstdichter;
- c. Naam, til.nr., adres en e-mail van de leadzanger/kóntakpersoën (*).

Let op: As d'r 'nne groep zingk, dan gaer van de euverige zangers allein de naam en 't email van dees groepsleje.

(*) *kóntakpersoën geldt veur ós as iërste aanspraekpunt.*

4. Veurschrijf t.a.v. 't liedje

1. As 'n liedje gekaoze is um door te gaon nao de Liedjesaovend, dan meug dit neet mier tekstueel of instrumentaal gewiezig waere. De inzending is dan zoëdanig bindend in 't gehiële vervolgtrajek;
2. T.a.v. de lingkte van 't liedje geldt de beperking det max. 3 koeplette en 1 refrein gezónge meuge waere, waarbeej VG de Wortelep.in zich 't rech veurbeheld um, i.v.m. de samestelling van de geluidsdrager, 1 koeplet te laote vervalte.

5. Veurschif t.a.v. teksdichter en/of komponis

1. 'nne Teksdichter(es) en/of komponis meug met maximaal 4 inzendinge aan de veurselektie meidoon;
2. De liedjes meuge allein ónder eige naam van teksdichter en komponis waere ingedeend, dae is bindend.

6. Veurschif t.a.v. zanger/oëtveurende

1. De zanger meug maximaal 3 kiër as oëtveurende aan de veurselektie meidoon;
2. De minimum laeftiëd veur deilname is 16 jaor;
3. De veur 'n liedje opgegaeve naam van de oëtveurende persoën is bindend (*);
4. Liedjes kinne door maximaal 6 persoëne waere geprissenteed, waarbeej eventueel óndersteuning van 'n koër is toegestaan, nao oëtdrökkelike toestumming van VG de Wortelepin.

() Allein beej euvermach kint ein wiezigingsverzeuk ingedeend waere, waarbeej VG de Wortelepin de maote van euvermach bepaolt en of 't wuurt gehonoreerd.*

7. Veurselektie, algemeen

1. Veuraafgaond aan de veurselektie zal 'nne rippetitie-aovend gehalde waere;
2. Toegang tot de repetitie-aovend en veurselektie hebbe allein de teksdichter, komponis en oëtveurende. Vaerder de vakjury, technicus (aangesteld door VG de Wortelepin), de arrangeur, vertegewoordiging van de Hofkapel, 't bestuur en leje van VG de Wortelepin die vanoët eur taak daarveur zien aangeweze;
3. De volgorde van de liedjes op de veurselektie zal door VG de Wortelepin waere bepaold;
4. De liedjes zulle 2x waere gezónge, waarbeej in de 2e rónde 'n verkorte versie;
5. Oët alle vertolkte liedjes waere d'r 11 liedjes gekaoze door 'n stungerechtigde vakjury, die oët 7 persoëne besteit. De 7-koppige jury is door VG de Wortelepin samegesteld;
6. Nao d'n oëtslaag zal door loëting de volgorde van optraeje op de Liedjesaovend waere vasgesteld, waarbeej VG de Wortelepin zich 't rech veurbeheld um de volgorde asnóg te verandere, as dit 'n baeter verloup van de Liedjesaovend tot gevolg zal hebbe.

8. Liedjesavond

Tiedes de Liedjesavond zulle de liedjes begeleid waere door de hofkapel en vervalle de in eige beheer opgenaome opnames.

1. De Liedjesavond zal plaatsvinde op 'n door VG de Wortelepin te bepaole datum en tiëdstip;
2. Zoë dök as VG de Wortelepin 't nuuëdig ach zal d'r 'n rippetitie met de Hofkapel veuraafgaon aan de Liedjesavond;
3. De liedjes waere gezónge (wie op de veurselektie) in 2 róndes. Waobeej in de 2e rónde de verkorte versie, wuurt oëtgeveurd;
4. Alle deilnemers verplichte zich beej eur optraeje te verschiene in gepaste, gen aanstoëtgaevende kleiding. Spijker- of vrejetiëdskleier waere as óngepas beschouwd;
5. Beïnvloeding van vakjury en/of publiek door middel van kleiding, attribute, in welke vorm dan ouk, is neet toegestaon;
6. De indoëtslaag zal tot stand kómme op basis van de jury-beoordeiling(e), vak- en zaalsjury (*);
7. 't Oëtgebrachte puntetotaal van de jury(s) van iddere deilnemer, zal nao telling aan 't publiek kinbaar gemak waere;
8. Zoë kómme weeje tot de 4 winnende liedjes met de nummers 1, 2, 3 en 4, die dan ouk zoëdanig waere oëtgebrach. Taeves waere de plaatsnummers 5 t/m 11 bekind gemak.

(*) *Definitieve opzet jurering zal veuraafgaond aan de Liedjesavond aan de deilnemers waere toegelicht.*

9. Verplichtinge van de winnaers (Liedje 1 t/m 4)

1. Alle winnaers (1 t/m 4) verplichte zich alle door VG de Wortelepin georganiseerde evenemente van 't betreffende vastelaovesseizoen op te luustere, veur zoëvaer VG de Wortelepin det nuuëdig ach.

Te raekene is met:

- Inschete
- Pronkzitting
- Swaree
- Zonnedag
- Gaejerprissentatie
- Dames- en Hiërezitting
- Senioren zitting
- KinderFamilieZitting
- Receptiezóndaag

- Groët Gala Worteletruuj (allein liedje 1)
 - Vastelaoveszóndaag
 - Rouse in 't Raodhoes (Vastelaovesmaondaag)
 - Vastelaovesdinsdaag
2. Alle winnaers verplichte zich tiëd te rissereve um alle rippetities beej te woëne, die nuuëdig zien veur 'n good verloup van eur optraeje;
 3. Alle winnaers verplichte zich beej eur optraeje te verschiene in gepaste, gen aanstoëtgaevende kleiding. Spijker- of vrejetiëdskleier waere as óngepas beschouwd. Op 't Swaree en 't Groët Gala Worteletruuj waere de hiëre geach in smoking en de dames in aovendkleiding te verschiene;
 4. Liedje 1 t/m 4 waere waere opgenaome beej Marlstone Studio in Ulestraten. De rechte van 't liedje zien van VG de Wortelepin;
 5. De opgenaome nummers meuge door Marlstone Studio geplaats waere op eur jaorlikse cd "Vastelovend van Eijsde tot de Mookerhei". VG Wortelepin haet gen invloed op de plaatsing;
 6. Door inzending van 'n liedje en door deilneming aan veurselektie en/of Liedjesaovend, gaon de deilnemers akkoord met de veurwaardes, gesteld in dit reglement.

10. Algemein

De baovestaonde aktiviteite zulle conform de geldende covid 19 richtliëne plaatsvinde. Alle betrokkene dene zich heejaan te conformere. Beej neet inachneming van de regels en/of aanwizinge kint de betreffende persoeën de toegang waere ontzag met meugelik diskwalificatie van 't liedje tot gevolg.

VG de Wortelepin behelt zich 't rech aaf te wieke van de vermelde richliëne moech det leide tot ein baeter 'competitie-verlaup'. Dit zal tiëdig met de oëtintelike deilnemers waere gecommuniceerd. Inzake waarin dit reglement neet veurzuut, beslist de Organisatie Kemissie van VG de Wortelepin.

Heb geej vraoge, hetzij euver meugelikhede, ondudelikhede of andere zake, dan kint geej kóntak opneme met Joyce Smeets, til.nr. 06-34315466 of e-mail: liedjes@wortelepin.nl.